

LIGJI Nr. 05/L -094

PËR NDRYSHIMIN DHE PLOTËSIMIN E LIGJIT Nr. 03/L-223 PËR KËSHILLIN GJYQËSOR TË KOSOVËS, I NDRYSHUAR DHE PLOTËSUAR ME LIGJIN Nr. 05/L -033 SI DHE LIGJIN Nr. 04/L-115

Kuvendi i Republikës së Kosovës;

Në bazë të nenit 65 (1) të Kushtetutës së Republikës së Kosovës,

Miratton

LIGJI PËR NDRYSHIMIN DHE PLOTËSIMIN E LIGJIT Nr. 03/L-223 PËR KËSHILLIN GJYQËSOR TË KOSOVËS, I NDRYSHUAR DHE PLOTËSUAR ME LIGJIN Nr. 05/L -033 SI DHE LIGJIN Nr. 04/L-115

Neni 1

Neni 20 i Ligjit nr. 03/L-223 për Këshillin Gjyqësor të Kosovës i ndryshuar dhe plotësuar me Ligjin nr. 05/L-033, si dhe Ligjin nr. 04/L-115, paragrafi 1 dhe 2 riformulohen si në vijim:

1. Këshilli, me miratimin e kryetarit të gjykatës përkatëse, mund të transferojë një gjyqtar në një gjykatë tjetër për një periudhë kohore të arsyeshme në rastet kur gjykata tjetër ka numër të pamjaftueshëm të gjyqtarëve për shqyrtimin e lëndëve.

2. Transferimi sipas paragrafit 1 të këtij neni bëhet sipas rregullave të përcaktuara me Rregulloren e KGJK -së për transfer dhe caktim të gjyqtarëve. Rregullorja për transfer dhe caktim të gjyqtarëve nxirret brenda tridhjetë (30) ditëve nga hyrja në fuqi e këtij ligji.

Neni 2

Hyrja në fuqi

Ky ligj hyn në fuqi në ditën e publikimit në Gazetën Zyrtare të Republikës së Kosovës.

Ligji Nr. 05/L -094

24 mars 2016

Shpallur me dekretin Nr. DL-009-2016, datë 05.04.2016 nga Presidentja e Republikës së Kosovës Atifete Jahjaga